

**«Հայաստանի պետական տնտեսագիտական համալսարան»  
պետական ոչ առևտրային կազմակերպության գիտական խորհուրդ**

**Ո Ր Ո Շ ՈՒ Մ Ն 1  
18 հունիսի 2019 թվականի**

**«Միջազգային գործունեության վիճակը և խնդիրները» հարցի մասին**

Լսելով և քննարկելով «Միջազգային գործունեության վիճակը և խնդիրները» հարցը (զեկուցող՝ արտաքին կապերի դեպարտամենտի միջազգային կապերի բաժնի պետ Վ.Ա.Ղուկասյան)՝ գիտական խորհուրդն արձանագրում է. հաշվետու ժամանակաշրջանում Հայաստանի պետական տնտեսագիտական համալսարանի միջազգային գործունեությունն իրականացվել է բուհի 2016-2020 զարգացման ռազմավարական ծրագրի համաձայն: Միջազգային գործունեության հիմնական ցուցիչներն են.

- 1) ուսանողների փոխանակում,
- 2) դասախոսների փոխանակում,
- 3) օտար լեզվով դասավանդվող մասնագիտությունների թիվ,
- 4) օտարերկրյա ուսանողների թիվ,
- 5) դրամաշնորհային ծրագրերի մասնակցություն:

Համալսարանում իրականացվող ուսանողների, դասախոսների և վարչական աշխատակիցների փոխանակումները հիմնականում կատարվում են Եվրոպական միության «Էրազմուս+» ծրագրի հիմնական գործողություն 1-ի շրջանակներում, որոնց կազմակերպումը համակարգում է միջազգային կապերի բաժինը:

**Ուսանողների փոխանակում**

2018-2019 ուսումնական տարվա ընթացքում ՀՊՏՀ-ից գործընկեր բուհեր են գործուղվել 25 ուսանողներ (14 բակալավրիատի ուսանող, 11 մագիստրատուրայի ուսանող): Ըստ ֆակուլտետների՝ ուսանողների բաշխվածությունը եղել է. ֆինանսական ֆակուլտետ՝ 9 ուսանող, մարքեթինգի և բիզնեսի կազմակերպման ֆակուլտետ՝ 3 ուսանող, հաշվապահական հաշվառման և աուդիտի ֆակուլտետ՝ 2 ուսանող, կառավարման ֆակուլտետ՝ 5 ուսանող, տնտեսության կարգավորման և միջազգային տնտեսական հարաբերությունների ֆակուլտետ՝ 4 ուսանող, ինֆորմատիկայի և վիճակագրության ֆակուլտետ՝ 2 ուսանող:

Հայաստանի պետական տնտեսագիտական համալսարանում մեկ կիսամյակ ժամանակահատվածով Եվրոպական միության «Էրազմուս+» ծրագրի հիմնական գործողություն 1-ի շրջանակներում հյուրընկալվել է 2 ուսանող՝ Վառնայի տնտեսագիտական (Բուլղարիա) և Սուջավայի Ստեֆան Չել Մարե (Ռումինիա) համալսարաններից:

2018-2019 թվականին Ցվիկաուի կիրառական գիտությունների համալսարանի հետ միջբուհական համագործակցության շրջանակում ՀՊՏՀ 2 ուսանող հրավիրվել է մասնակցելու համալսարանի կողմից կազմակերպված երկշաբաթյա ամառային դպրոցին:

#### **Դասախոսների փոխանակում**

2018-2019 ուսումնական տարվա ընթացքում ՀՊՏՀ-ից գործընկեր բուհեր են գործուղվել 19 դասախոսներ և վարչական աշխատակիցներ, այդ թվում՝ 1 դասախոս Եղեգնաձորի և 2 վարչական աշխատակից Գյումրու մասնաճյուղերից: Բուհի թողարկող ամբիոններից ծրագրին մասնակցել է 10 ամբիոն: Ըստ ամբիոնների՝ բաշխվածության դասախոսների ամենամեծ մասնակցությունը եղել է. միջազգային տնտեսական հարաբերությունների ամբիոն՝ 4 դասախոս, աշխատանքի տնտեսագիտության ամբիոն՝ 3 դասախոս, կառավարման, տնտեսական ինֆորմատիկայի և տեղեկատվական համակարգերի ամբիոններ՝ 2-ական դասախոս: Տնտեսագիտության տեսության, բանկային գործի և ապահովագրության, վիճակագրության, կառավարչական հաշվառման և աուդիտի մասնագիտական ամբիոնների որևէ դասախոս որևէ ծրագրի չի մասնակցել:

Մինչև 2019-2020 ուսումնական տարվա առաջին կիսամյակի ավարտը պլանավորված է իրականացնել 4 դասախոսի փոխանակում ընթացիկ ծրագրերի շրջանակում: 2019-2020 ուսումնական տարվա ընթացքում Եվրոպական միության «Էրազմուս+» ծրագրի հիմնական գործողություն 1-ի շրջանակում ՀՊՏՀ-ից համագործակցության առաջարկ է ուղարկվել 88 գործընկեր բուհերի: Ծրագրերի արդյունքները հասանելի կլինեն 2019 թվականի օգոստոսին:

#### **Վարչական աշխատակիցների փոխանակում**

2018-2019 ուսումնական տարվա ընթացքում ՀՊՏՀ-ից գործընկեր բուհեր են գործուղվել 24 վարչական աշխատակիցներ:

Մինչև 2019-2020 ուսումնական տարվա առաջին կիսամյակի ավարտը պլանավորված է իրականացնել 3 վարչական աշխատակցի փոխանակում ընթացիկ ծրագրերով, սակայն դրանց թիվը կաճի՝ պայմանավորված նոր դիմած ծրագրերի ֆինանսավորմամբ:

ՀՊՏՀ-ում 2018-2019 ուսումնական տարվա ընթացքում «Էրազմուս+» ծրագրի հիմնական գործողություն 1-ի շրջանակներում կազմակերպվել է մեկշաբաթյա

վերապատրաստման շաբաթ: Այս միջոցառումը համալսարանի կողմից կազմակերպվում է արդեն 2-րդ անգամ: Հայաստանում «Էրազմուս+» ծրագրի ազգային գրասենյակի տրամադրած տեղեկատվության համաձայն՝ ՀՊՏՀ-ն այս պահին միակ բուհն է Հայաստանում, որը կազմակերպում է միջազգային վերապատրաստման շաբաթ գործընկեր բուհերի դասախոսների և վարչական աշատակիցների համար: Նշված միջոցառմանը գործընկեր բուհերից ընթացիկ տարում մասնակցել են 10 վարչական աշխատակիցներ և դասախոսներ: ՀՊՏՀ միջազգային կապերի բաժինն իրականացրել է հարցումների վերլուծություն, որը նախորդ տարվա արդյունքների համեմատությամբ, բոլոր ուղղություններով առավելագույն գնահատական է ստացել: Իրականացվել են քանակական և որակական վերլուծություններ: Կատարվել է նաև 2018-2019 ուսումնական տարվա ընթացքում կազմակերպված նմանատիպ միջոցառման և ընթացիկ տարվա արդյունքների համեմատություն: 2018-2019 թթ. վերապատրաստումների շաբաթվա արդյունքները բովանդակային առումով նույնն են: Կազմակերպական մասի վերաբերյալ գնահատման արդյունքները նույնպես նույնն են՝ բացառությամբ «հյուրընկալող կողմի տրամադրած տեղեկատվությունը» գործոնի (2018 թ.՝ 100%, 2019 թ.՝ 97,14%): Ենթակառուցվածքների վերաբերյալ համեմատության արդյունքները ցույց են տալիս «ինտերնետային կապի» հետ կապված բավարարվածության աճ՝ 71,11%-ից աճելով 100%-ի: Միջոցառման ընդհանուր գնահատականը, ինչպես նաև ՀՊՏՀ վերապատրաստումների շաբաթվան մասնակցությունը, գործընկերներին խորհուրդ տալը պահպանվել են մինևույն մակարդակում:

#### **Օտար լեզվով դասավանդվող մասնագիտություններ**

Համալսարանի միջազգային կապերի բաժնի կողմից 2012 թվականից ի վեր կազմակերպվում է օտարերկրյա քաղաքացիների կրթություն: Այս պահին ՀՊՏՀ-ն օտարերկրյա ուսանողների համար անգլերենով առաջարկում է մագիստրոսական «Գործարար կառավարում» և բակալավրական «Կառավարում» մասնագիտությունները: 2018 թվականի ընթացքում գերմանական BBW համալսարանի հետ ևս դիմում-հայտ է ներկայացվել Գերմանական ակադեմիական փոխանակման ծառայությանը (DAAD), որը ֆինանսավորվել է 2019 թվականին և այժմ մշակվում է համատեղ ծրագիրը:

Համալսարանի որակի ապահովման և գիտահետազոտական աշխատանքների կազմակերպման բաժինների կողմից ևս համակարգվում են մեկական ծրագրեր օտար լեզվով:

#### **Օտարերկրյա ուսանողներ**

2018-2019 ուսումնական տարվա ընթացքում նոր ուսանողների ընդունելություն չի իրականացվել: ՀՊՏՀ-ում այս պահին օտարերկրյա քաղաքացիների համար

նախատեսված դասընթացներին մասնակցում են 2 օտարերկրյա քաղաքացիներ ԵՄ կողմից ֆինանսավորվող «Էրազմուս+» ծրագրի շրջանակում:

Ընթացիկ տարվա ընթացքում բանակցություններ են կատարվում հնդկական «Բիլիմորիա Ըսոսիեյթ» կազմակերպության հետ՝ Հնդկաստանի Հանրապետությունից ուսանողների ներգրավման ուղղությամբ:

### **Դրամաշնորհային ծրագրերի մասնակցություն**

Հայաստանի պետական տնտեսագիտական համալսարանը ընդգրկված է մի շարք դրամաշնորհային ծրագրերում, որոնցից 3-ը համակարգում է միջազգային կապերի բաժինը.

*Ֆինանսների մագիստրոսական ծրագրերի բարեփոխում Հայաստանում և Մոլդովայում (ԲԻՖԱՅՆ) REFINE*

Ծրագրի ընդհանուր բյուջեն կազմում է € 615,507.00,

ՀՊՏՀ-ի բյուջեն՝ € 65,743.00:

*eDrone*

Ծրագրի ընդհանուր բյուջեն կազմում է € 995,412.00,

ՀՊՏՀ-ի բյուջեն՝ € 37,391.00:

*Բարձրագույն ուսումնական հաստատությունները՝ երիտասարդների ձեռներեցության համար*

Ծրագրի ընդհանուր բյուջեն կազմում է € 49,188.00,

ՀՊՏՀ-ի բյուջեն՝ € 7,995.00:

***Ֆինանսների մագիստրոսական ծրագրերի բարեփոխում Հայաստանում և Մոլդովայում (ԲԻՖԱՅՆ): REFINE*** ծրագրի շրջանակում մշակվել և բարեփոխվել է

«Կորպորատիվ ֆինանսներ» մագիստրոսական ծրագիրը՝ համապատասխանեցնելով եվրոպական չափանիշներին: Ծրագրի շրջանակում երկշաբաթյա վերապատրաստման են մասնակցել ՀՊՏՀ 4 դասախոսներ, ևս 4-ի վերապատրաստումը նախատեսվում է հուլիսին: ՀՊՏՀ 4 դասախոս մասնակցել է առարկայական ծրագրերի մշակմանն ու բարեփոխմանը Ավստրիայում, Ֆրանսիայում, Հոլանդիայում և Սլովակիայում, ևս 4-ը մասնակցելու են վերապատրաստումների նույն երկրներում 2020 թվականի հունվարին: Նշված մասնագիտության 2019-2020 ուսումնական տարվա դասընթացը կազմակերպվելու է արդեն հաստատված նոր կրթական ծրագրով: Ծրագրի շրջանակում 2019 թվականի օգոստոսի ընթացքում ձեռք կբերվի գրականություն՝ 8000 եվրո ընդհանուր արժողությամբ:

***eDrone*** ծրագրի շրջանակում ՀՊՏՀ 3 դասախոս Իտալիայի Սանիոյի համալսարանում մասնակցել է երկշաբաթյա վերապատրաստման: Հաշվի առնելով, որ ծրագրի արդյունքում ստեղծվող լաբորատորիան և կրթական ծրագիրը ներդրվելու են Հայաստանի ազգային պոլիտեխնիկական համալսարանում, ՀՊՏՀ վերա-

պատրաստված դասախոսների կողմից նշված ծրագրում դասավանդման թեմաները մշակվել և ներկայացվել են վերջինիս համակարգողին կրթական ծրագրում ներառելու նպատակով:

**Բարձրագույն ուսումնական հաստատությունները՝ երիտասարդների ձեռներեցության համար** ծրագիրն ամփոփել է 2019 թվականի մարտին: Ծրագրի շրջանակում ՀՊՏՀ 2 դասախոս ընթացիկ տարում մասնակցել են մեկ միջազգային գիտաժողովի Ռիգայի ՌԻՋԵԲԱ համալսարանում, ՀՊՏՀ-ում 2018 թվականի նոյեմբերին կազմակերպվել է միջազգային Ստարտ-ափ մրցույթ: Ծրագրի շրջանակում տպագրվել է և հրատարակման է ներկայացվել ուսումնական ձեռնարկ՝ «Բիզնեսի վարումը Հայաստանում, Բելառուսում, Վրաստանում, Լատվիայում, Մոլդովայում և Ուկրաինայում» վերնագրով:

Ելնելով վերոնշյալից՝ գիտական խորհուրդը

### ՈՐՈՇՈՒՄ Է.

1. Արտաքին կապերի դեպարտամենտի միջազգային կապերի բաժնի աշխատանքները գնահատել բավարար:
2. Հանձնարարել միջազգային կապերի բաժնին՝
  - 1) ընդլայնել ուսանողների, դասախոսների և վարչական աշխատակիցների փոխանակման ծրագրերի աշխարհագրությունն ու գործընկեր բուհերի քանակը,
  - 2) օտարերկրյա ուսանողների ներգրավման ուղղությամբ խորացնել համագործակցությունը արտերկրում ուսանողների ներգրավման գործակալությունների հետ,
  - 3) շարունակել ընդլայնել միջբուհական համագործակցությունը,
  - 4) աջակցել ամբիոններին՝ համատեղ կրթական ծրագրերի համար գործընկեր բուհեր և ֆինանսավորում հայթայթելու ուղղությամբ,
  - 5) աջակցել համապատասխան ամբիոնների և ստորաբաժանումների ներգրավվածությանը՝ դրամաշնորհային նոր ծրագրերին դիմելու գործընթացում,
  - 6) «Ամբերդ» հետազոտական կենտրոնի և գիտահետազոտական աշխատանքների կազմակերպման բաժնի հետ համատեղ մշակել և հայտադիմում ներկայացնել հետազոտական տեղական և միջազգային դրամաշնորհային ծրագրերին,
  - 7) գիտահետազոտական աշխատանքների կազմակերպման բաժնի հետ համագործակցությամբ պրոֆեսորադասախոսական կազմի շրջանում ապահովել միջազգային գիտաժողովների վերաբերյալ տեղեկատվության տարածումը:

**3. Հանձնարարել մասնագիտական ամբիոններին՝**

- 1) միջազգային կապերի բաժնի հետ համատեղ օտարերկրյա ուսանողների համար մշակել մագիստրոսական նոր ծրագրեր,
- 2) ակտիվորեն մասնակցել դրամաշնորհային ծրագրերի հայտերի ներկայացման գործընթացին՝ տարեկան ներկայացնելով առնվազն մեկ դիմում-հայտ,
- 3) աշխատել տեխնոլոգիական ուղղվածությամբ համատեղ մագիստրոսական կրթական ծրագրերի մշակման, ֆոնդահայթայթման ուղղությամբ:

**4. Հանձնարարել լրատվության և հասարակայնության հետ կապերի բաժնին, արտաքին կապերի դեպարտամենտի ստորաբաժանումներին՝**

- 1) նկարահանել բուհի մասին պատմող եռալեզու (հայերեն, անգլերեն, ռուսերեն) տեսահոլովակ օտարալեզու հոլովակները օտարերկրյա դիմորդների շրջանում տարածելու նպատակով,
- 2) ապահովել համալսարանի մասին պատմող եռալեզու բուկլետի մշտական թարմացումը:

**5. 2019 թվականի առաջնահերթ խնդիրներ համարել՝**

- 1) ուսանողների փոխանակման ընդլայնումը,
- 2) դասախոսների և վարչական աշխատակիցների փոխանակումը,
- 3) օտարերկրյա ուսանողների ներգրավումը,
- 4) միջազգային և տեղական դրամաշնորհային ծրագրերին ներկայացվող հայտադիմումների ավելացումը:

**6. Սույն որոշման կատարման նկատմամբ վերահսկողությունը վերապահել արտաքին կապերի դեպարտամենտի տնօրեն Պ.Վ.Ջանգուլյանին:**

**Գիտական խորհրդի նախագահ՝**

2019 թ. հունիսի 18  
Երևան



**Ռ. Ա. Հայրապետյան**